

მეუფე ნიკოლოზი - არავის აქვს უფლება ისარგებლოს ჩვენი ატრიბუტიკით, თვითმარქვია თუ არის ვინმე, ალბათ, სახელმწიფომ უნდა აკონტროლოს



საეკლესიო რეგულირებაში გვაქვს, რომ არავის აქვს უფლება ისარგებლოს ჩვენი ატრიბუტიკით, თვითმარქვია თუ არის ვინმე, ალბათ, ეს სახელმწიფომ უნდა აკონტროლოს, - ამის შესახებ ახალქალაქის, კუმურდოსა და კარის მიტროპოლიტმა, მეუფე ნიკოლოზმა განუცხადა, რითაც გამოეხმაურა შსს-ს მიერ გავრცელებულ ინფორმაციას, რომლის თანახმადაც, პოლიციამ დააკავა პირი, რომელიც თავს სასულიერო პირს უწოდებდა, არასრულწლოვანს პირადი ცხოვრების ამსახველი ფოტოები მოტყუებით გადააგზავნინა და გავრცელებით დაემუქრა.

მეუფე ნიკოლოზის თქმით, კანონი ყველასთვის უბენაესია.

„პირველად მესმის, მაგრამ თქვენ რასაც ჰყვებით, ამაზრბენი ფაქტია, რა თქმა უნდა, რა კომენტარი უნდა. მე პირადად, თვალეებში შემძლია, შევხედო ყველას: ადამიანებს, ორგანიზაციებს და ვთქვა, ხმამაღლა, რომ იმის მიუხედავად, თუ ვინ არის კანონის დამრღვევი, სასულიერო პირია, მაღალი იერარქიის სასულიერო პირი, სხვა უწყების წარმომადგენელი თუ ჩვეულებრივი ადამიანი, კანონი უნდა იყოს უბენაესი. პირველად მესმის ეს ამბავი თქვენგან.

ჩვენ საეკლესიო რეგულირებაში არის ასეთი რამ, რომ არავის აქვს უფლება ისარგებლოს ჩვენი ატრიბუტიკით, ანაფორით. ეს იყიდება მაღაზიაში და შეუძლია,

ყველას იყიდოს, მაგრამ არ უნდა ატაროს, კანონი კრძალავს ამას. თვითმარქვია თუ არის ვინმე, ეს ალბათ სახელმწიფომ უნდა აკონტროლოს, ჩვენ რა შეგვიძლია, ჩვენ ვმუშაობთ, რომ გამოვაგლინოთ“, – განაცხადა მან.

ცნობისათვის, შსს-ის ინფორმაციით, დააკავეს პირი, რომელიც თავს სასულიერო პირს უწოდებდა და რომელმაც არასრულწლოვანს პირადი ცხოვრების ამსახველი ფოტოები მოტყუებით გადააგზავნინა და გავრცელებით დაემუქრა.